

Héraðsnefnd Árneseinga

55. fundur

haldinn að Hótel Hengli
20.-21. október 2011.

1. **Oddviti, Gunnar Þorgeirsson, setti fundinn** og bauð fundarmenn velkomna. Ræddi síðan dagskrá og tilhögun fundarins.
2. **Kosning oddvita, varaoddvita og héraðsráðs** skv. samningi um héraðsnefnd. Endurkjör samþykkt samhljóða: Gunnar Þorgeirsson oddviti; Aldís Hafsteinsdóttir varaoddviti og Ari Thorarensen með þeim í héraðsráði.
3. **Fundargerðir héraðsráðs nr. 171 og 172** lagðar fram og skýrðar af oddvita. Staðfestar.
4. Einnig fundargerðir til kynningar:
Byggðasafn Árneseinga, 6. fundur frá 6. sept. 2011. Til máls tóku um hana auk oddvita: Elfa Dögg Þórðardóttir, Eyþór Arnalds og Sandra Dís Hafþórsdóttir. Ari Thorarensen sagði síðan frá starfi hóps um jarðskjálftabætur. Nánar í fg. héraðsráðs nr. 171 og fg. hópsins frá 13. júlí 2011.
Tónlistarskóli Árneseinga, 158. fundur 10. okt. 2011. Einnig liggur fyrir fundinum beiðni um aukafjárveitingu vegna nýs kjarasamnings. Til máls tóku auk oddvita: Sandra Dís Hafþórsdóttir, Aldís Hafsteinsdóttir, Gunnar Örn Marteinnsson, Ragnar Magnússon, Drífa Kristjánsdóttir.
Héraðsskjalasafn Árneseinga, fg. frá 11. ágúst og 11. október 2011. Til máls tóku auk oddvita: Guðmundur Þór Guðjónsson, Aldís Hafsteinsdóttir, Sandra Dís Hafþórsdóttir, Sveinn Steinarsson, Helgi Haraldsson, Elfa Dögg Þórðardóttir og Eyþór Arnalds. Álitamálum um aksturslaunagreiðslur og nefndarlaun vísað til héraðsráðs.
5. **Ársskýrsla og fundargerð búfjárefntirlitsnefndar** frá 7. október 2011. Rætt var um eftirfylgni, skilvirkt verklag og samskipti bæði við bændur og yfirvöld. Fram kom, að sveitarstjórnir skortir öflugna stöð í lögum til að grípa inn í mál, áður en í óefni er komið. Til máls tóku Aðalsteinn Sveinsson, Ragnar Magnússon, Helgi Haraldsson, Gunnar Örn Marteinnsson, Aldís Hafsteinsdóttir og Ari Thorarensen auk oddvita.
6. **Innlegg forstöðumanna og fjárhagsáætlanir þeirra.** Fyrstur tók til máls **Þorsteinn Tryggvi Mátsson** forstöðumaður Héraðsskjalasafns Árneseinga. Í stuttu máli hafa afhendingar og skráningar aldrei verið fleiri, og gestum fjölgar jafnt og þétt. Ýmis aukaverkefni gefa auknar tekjur. Námsstefna var haldin með skólastjórnendum um vörslu skjala og var hún mjög vel sótt og lofar góðu með samstarf við skólana. Framlög hins opinbera hafa lækkað til héraðsskjalasafnanna um 50% en til Þjóðskjalasafns aðeins um 5% og skýtur þarna skökku við. Þorsteinn minntist einnig á möguleika sveitarfélaga til vörslu mynda eins og skjala. Gætu þau haft sín aðgangsorð og sjálf sett myndir í sameiginlegan grunn.
Lýður Pálsson forstöðumaður Byggðasafns Árneseinga tók næstur til máls, og lagði fram starfsáætlun fyrir árið 2012, fyrirbyggjandi í gögnum fundarins. Ræddi síðan hugsanleg kaup á svonefndum Kirkjubæ, húsi sem byggt var 1918, og er í seilingarfjarlægð safnasvæðisins. Þar mætti sýna hið dæmigerða alþýðheimili, og gæfi það gott mótvægi við hefðarheimilið í „Húsinu“. Húsið er ekki dýrt, en þarfnast

verulegra viðgerða. Saman næmi sá kostnaður ca. 19,5 millj. skv. mati fagmanns á þeim vettvangi. Ekki yrði hins vegar um fjölgun starfsmanna að ræða, ef af yrði. Um þetta spunnust almennar umræður og svaraði Lýður fyrirspurnum.

Robert Darling skólastjóri talaði fyrir hönd Tónlistarskóla Árnesinga. Lagði fram vandaða skýrslu. Skólagjöld hækkuðu um 4,5% í haust, en höfðu verið óbreytt í 3 ár. 524 nemendur stunda nám í skólanum í einkatímum, - 210 nemendur njóta forskólakennslu innan grunnskólanna. Um 100 nemendur eru á biðlista og fjölgar stöðugt. Tónlistarskólinn lagði fram beiðni um aukafjárveitingu vegna breyttra kjarasamninga. Í heildina er starfið blómlegt þrátt fyrir erfiða tíma.

Inga Jónsdóttir forstöðumaður Listasafns Árnesinga sagði frá starfinu og lagði fram vandaðar sýningarskrár. Áætlað er að gestir verði 10 þús. þetta árið. Fjórar metnaðarfullar sýningar eru settar upp á árinu. Inga kvaðst sakna þess að sunnlenskir skólar nýttu safnið ekki enn betur. Fram kom, að Inga er í 70% starfi (sá eini af stjórnendum), en æskilegt væri að auka það í 100%. Svaraði hún síðan almennum fyrirspurnum.

Allir fundarmenn tóku þátt í umræðum um 6. lið að meira eða minna leyti.

7. **Framtíð Héraðsnefndar Árnesinga á grundvelli nýrra sveitarstjórnarlaga.**

Oddviti ræddi þetta málefni vítt og breitt. Í nýjum sveitarstjórnarlögum er einfaldlega ekki gert ráð fyrir héraðsnefndum. Finna þarf nýtt form eða aðferð til að takast á við þau verkefni sem héraðsnefndir hafa haft með höndum. Þetta er alls ekki einfalt mál, og blandast þar saman praktískir hlutir, t.d. eins og lífeyrisskuldbindingar starfsmanna og svo eignir eins og stofngjöf Listasafnsins, svo að dæmi séu tekin. Til máls tóku, auk oddvita: Aldís Hafsteinsdóttir, Stefán Jónsson, Gunnar Örn Marteinsson, Drífa Kristjánsdóttir, Eggert Valur Guðmundsson, Eyþór Arnalds og Arna Ír Gunnarsdóttir.

Hér var formlegum fundi héraðsnefndar frestað til morguns og við tók kynnisferð um nágrennið. Byrjað var á að heimsækja fræðslumiðstöðina á Hakinu, Þingvöllum. Þar var tekið á móti héraðsnefnd af miklum myndarskap af Einari Á.E. Sæmundsen, fræðslufulltrúa þjóðgarðsins. Fræddi hann hópinn um sögu og framtíð Þingvalla ásamt því að sýna framkvæmdir sem nú fara fram í Almanngjá. Að lokinni heimsókn á Þingvöllum var haldið til Heiðarbæjar þar sem Jóhannes Sveinbjörnsson tók á móti hópnum af miklum myndarskap. Gerði hann góða grein fyrir búskap og mannlífi í Þingvallasveit. Voru heimsóknir þessar bæði fróðlegar og skemmtilegar og þakka Héraðsnefndarmenn kærlega fyrir góðar móttökur. Morguninn eftir var fundi fram haldið:

8. **Byggingarsjóður Fsu.** Fyrir liggur vil yrði um fjármagn frá ríkinu til að hefja undirbúning að byggingu nýs verknámshúss við Fjölbautarskóla Suðurlands. Gert er ráð fyrir framkvæmdinni á næstu þremur árum. Til máls tóku auk oddvita: Aldís Hafsteinsdóttir, Eyþór Arnalds, Ragnar Magnússon, Eggert Valur Guðmundsson og Drífa Kristjánsdóttir.
9. **Málefni Alviðru.** Áhugi er á því í Héraðsnefnd Árnesinga að skipta eigninni, en miklar kvaðir fylgdu þessari gjöf til Árnessýslu á sínum tíma. Verið er að kanna leiðir til þess ásamt Landvernd, hinum eiganda Alviðru. Sú tilhögun gæti mjög vel verið til hagsbóta fyrir báða eigendurna. Laxveiðihlunnindi eru í Alviðru. Til máls tóku auk oddvita: Ari Thorarensen, Aldís Hafsteinsdóttir og Aðalsteinn Sveinsson.
10. **Refa- og minkaveiðar.** Lagt fram yfirlit um refa- og minkaveiðar í uppsveitum og Flóa 2009 og 2010, fjölda veiddra dýra og kostnað sveitarfélaganna af þeim.

Nú hófst starf í nefndum þar sem fjallað var um hin ýmsu úrlausnarefni er fyrir fundinum lágu.

Eftirfarandi tillögur voru síðan samþykktar, með áorðnum breytingum og að undangengnum umræðum, sem allir fundarmenn tóku þátt í að meira eða minna leyti:

Mennta- og menningarmálanefnd:

Jóhanna Ýr Jóhannsdóttir formaður
Drífa Kristjánsdóttir
Ragnar Magnússon
Elfa Dögg Þórðardóttir
Eggert Valur Guðmundsson

„Héraðsskjalasafn Árnesinga.

Mennta- og menningarmálanefnd mótmælir niðurskurði á framlögum ríkisins til Héraðsskjalasafns Árnesinga. Hróplegt ósamræmi er einnig í skerðingu fjárframlaga til skjalasafna, en Þjóðskjalasafnið fékk um 5% skerðingu á fjárframlögum á meðan héraðsskjalasöfn á landsbyggðinni máttu þola um 50% skerðinu.

Brýnt er að áfram verði kannaðir möguleikar að framtíðarhúsnæði undir Héraðsskjalasafn Árnesinga þar sem farið er að þrengja verulega að safninu.

Tónlistarskóli Árnesinga.

Mennta- og menningarmálanefnd þakkar Róbert Darling skólustjóri Tónlistarskóla Árnesinga fyrir metnaðarfullt starf og greinargóða starfsskýrslu. Nefndin lýsir furðu sinni á þeim nýja lið síðustu kjarasamninga þar sem kveðið er á um að greitt verði aukalega 7 mínútur fyrir hverja kennslustund í hálfu námi. Í Tónlistarskóla Árnesinga er óvenjuhátt hlutfalla nemenda í hálfu námi og því um verulegan kostnaðarauka fyrir sveitarfélög þau er standa að Tónlistarskólanum. Á höfuðborgarsvæðinu eru um 90% nemenda í fullu námi og því kemur þessi breyting á kjarasamningum ekki jafn hart niður á sveitarfélögum á því svæði.

Byggðasafn Árnesinga

Mennta- og menningarmálanefnd styður þær hugmyndir sem fram eru komnar um kaup á Kirkjubæ og telur að kaupin muni styrkja starfsemi Byggðasafns Árnesinga. Nefndin fagnar því að minning Helga Ívarssonar verði heiðruð með kaupum á húsinu.

Nefndin leggur til við stjórn safnsins að leggja fram tímasetta kostnaðaráætlun um viðhald og lagfæringu á Kirkjubæ.

Verknámshús FSU.

Mennta- og menningarmálanefnd fagnar yfirlýsingum 1.þingmanns Suðurkjördæmis, Björgvins G. Sigurðssonar, um að fjármagn til byggingar verknámshúss FSu sé tryggt.

Mennta- og menningarmálanefnd hvetur sveitarfélög í Árnessýslu til að nýta menningarauð þann sem svæðið hefur yfir að ráða. Í niðurskurði skólafnana síðustu ára hefur fjarað verulega undan fræðslustarfsemi safna yfir vetrartímann og hvetur nefndin til þess að þessari þróun verði snúið við.“

Allsherjarnefnd:

Arna Ír Gunnarsdóttir
Helgi S. Haraldsson,
Stefán Jónsson.

„Allsherjarnefnd felur Héraðsráði að leita allra leiða til þess að skipta sameiginlegri eign Landverndar og Héraðsnefndar í Alviðru og Öndverðarnesi með hagsmuni Héraðsnefndar og Árnesinga að leiðarljósi.

Allsherjarnefnd beinir því til Héraðsráðs að endurskoða samþykktir Héraðsnefndar til samræmis við breytingar í nýjum sveitastjórnarlögum og leggja tillögu að nýjum samþykktum fyrir vorfund“.

Fjárhagsnefnd:

Sandra Dís Hafþórsdóttir formaður
Aðalsteinn Sveinsson
Guðmundur Þór Guðjónsson
Sveinn Steinarsson
Eyþór Arnalds

*Mætt á fund : Aðalsteinn, Guðmundur, Sandra Dís og Sveinn, Eyþór boðaði forföll.
Fjárhaldsmaður Héraðsnefndar Ingibjörg Garðarsdóttir starfar einnig með nefndinni.*

Nefndin hefur haldið einn fund til undirbúnings fyrir fund Héraðsnefndar og kallað til sín alla forstöðumenn stofnana. Fjárhagsnefnd hefur mikla trú á því góða fólki sem starfar í öllum stofnunum Héraðsnefndar og treystir því til að leysa verkefni komandi árs í samræmi við þessar áætlanir.

1. Byggðasafn Árnesinga:

Tillaga safnstjóra og stjórnar gerir ráð fyrir fjárveitingu að upphæð 18.200.000 kr.

Fjárhagsnefnd leggur til breytingar á áætlun safnsins. Lagt er til að færðar verði til tekna samtals 750.000 kr. úr dánarbúi Helga Ívarssonar, en það er hækkun um 250.000 kr. Þá er einnig lagt til að kynningarmál og auglýsingar verði hækkadar um 250.000 kr.

Fjárhagsnefnd leggur til að fjárveiting til Byggðasafns Árnesinga verði 18.200.000 kr. og er það óbreytt framlag frá árinu 2011.

2. Héraðsskjalasafn Árnesinga:

Tillaga safnstjóra og stjórnar gerir ráð fyrir fjárveitingu að upphæð 15.000.000 kr.

Fjárhagsnefnd leggur til breytingar á áætlun safnsins. Lagt er til að færðar verði til tekna samtals 750.000 kr. úr dánarbúi Helga Ívarssonar. Færður verði til tekna styrkur úr Menningarsjóði Suðurlands samtals 700.000 kr. Einnig leggur nefndin til að annar rekstrarkostnaður verði lækkaður um 350.000 kr.

Fjárhagsnefnd leggur til að fjárveiting til Héraðsskjalasafns Árnesinga verði 13.700.000 kr. og er það hækkun um 900.000 kr. frá árinu 2011.

3. Listasafn Árneseinga:

Tillaga safnstjóra og stjórnar gerir ráð fyrir fjárveitingu að upphæð 17.200.000 kr.

Fjárhagsnefnd leggur til breytingar á áætlun safnsins. Lagt er til að kostnaður við bókhald og endurskoðun verði lækkaður um 300.000 kr. og kostnaður vegna langtímalána lækkaður um 300.000 kr.

Nefndin leggur til að Héraðsnefnd taki nýtt lán til 24 ára hjá Lánasjóði sveitarfélaga til að endurfjármagna eldri lán vegna Listasafns Árneseinga. .

Fjárhagsnefnd leggur til að fjárveiting til Listasafns Árneseinga verði 17.200.000 kr. og er það óbreytt framlag frá árinu 2011.

4. Tónlistarskóli Árneseinga:

Tillaga skólastjóra og stjórnar gerir ráð fyrir fjárveitingu að upphæð 167.979.320 kr.

Fjárhagsnefnd leggur til að ófyrirséður kostnaður verði felldur út úr áætlun skólans 4.892.602 kr. Sveitarfélögin greiða einungis kennsluhluta skólans og má rekja beiðni um hækkun til hækkana vegna nýgerðra kjarasamninga.

Fjárhagsnefnd leggur til að fjárveiting til Tónlistarskóla Árneseyslu verði 163.086.718 kr. og er það hækkun um 23.021.829 kr. frá árinu 2011.

5. Almannaþarnir Árneseyslu:

Tillaga stjórnar gerir ráð fyrir fjárveitingu að upphæð 1.885.000 kr.

Fjárhagsnefnd leggur til að fjárveiting til Almannaþarna verði 1.885.000 kr. og er það lækkun um 100.000 kr frá árinu 2011.

6. Alviðrufélagið:

Fjárhagsnefnd leggur til að framlag til Alviðru verði lagt niður.

7. Fastir styrkir:

Fjárhagsnefnd leggur til að framlög verði óbreytt frá fyrra ári 1.574.000 kr.

8. Stjórnunarkostnaður:

Fjárhagsnefnd leggur til að stjórnunarkostnaður verði 3.000.000 kr. og er það hækkun um 500.000 kr. frá árinu 2011 og er hækkunin tekin af eigin fé nefndarinnar.

Nefndin mælist til við Héraðsráð að vinna að lækkun stjórnunarkostnaðar í framtíðinni..

9. Önnur mál.

Beiðni um aukið stöðugildi forstöðumanns Listasafns Árneseinga úr 70% í 100%

Varðandi óformlegar beiðni safnstjóra um aukið starfshlutfall tekur nefndin jákvætt í erindið að því gefnu að launakostnaður haldist innan fjárhagsáætlunar. Nefndin beinir því til stjórnar safnsins að taka málið upp á næsta stjórnarfund.

Beiðni um aukafjárveitingu frá Tónlistarskóla Árneseinga vegna nýs kjarasamnings:

Fjárhagsnefnd samþykkir beiðni um aukafjárveitingu upp á 16.296.883 kr.

Beiðni Byggðasafns Árneseinga um kaup á Kirkjubæ á Eyrarbakka:

Fjárhagsnefnd samþykkir tillögur safnsstjóra um kaup safnsins á Kirkjubæ. Arfur Helga Ívarssonar verði nýttur til kaupanna.

Tillaga að breyttu fyrirkomulagi varðandi bókhaldsþjónustu safnanna:

Nefndin leggur til að Héraðsráð leiti leiða til að lækka kostnað við bókhald og endurskoðun safnanna þriggja.

Tillaga vegna fyrirkomulags á handbæru fé arfs Helga Ívarssonar:

Nefndin leggur til að fjármunum verði skipt jafnt á milli Byggðasafns og Héraðsskjalasafns á tvo reikninga til að einfalda utanumhald“.

Eins og áður sagði voru ofangreindar tillögur allar samþykktar.

Fjárhagsáætlun Héraðsnefndar Árnesinga lögð fram í heild sinni og samþykkt með áorðnum breytingum. Áætlun ársins 2012 kemur fram í neðangreindri töflu.

Fjárhagsáætlun Héraðsnefndar Árnesinga 2012					
	Árið 2011	Hlutfall af framlögum	Árið 2012	Hlutfall af framlögum	Hlutfallsleg breyting milli ára
Tekjur:					
Framlög sveitarfélaga	52.774.000	100,0%	53.174.000	100,0%	0,8%
Tekið af eigin fé:					
- Hækkun á stjórnun, annað og ófyrirséð			500.000		-
Samtals	52.774.000		53.674.000		1,7%
Gjöld:					
Byggðasafn Árnesinga	18.200.000	34,5%	18.200.000	34,2%	0,0%
Listasafn Árnesinga	17.200.000	32,6%	17.200.000	32,3%	0,0%
Héraðsskjalasafn Árnesinga	12.800.000	24,3%	13.700.000	25,8%	7,0%
Alviðra	500.000	0,9%		0,0%	-100,0%
Stjórnun, annað og ófyrirséð	2.500.000	4,7%	3.000.000	5,6%	20,0%
Fastir styrkir	1.574.000	3,0%	1.574.000	3,0%	0,0%
Samtals	52.774.000	100,0%	53.674.000	100,9%	1,7%
Sundurliðun:					
Fastir styrkir					
HSK	1.064.000	2,0%	1.064.000	2,0%	0,0%
SSK	255.000	0,5%	255.000	0,5%	0,0%
Svæðisstj. björgunarsv. í Árnessýslu	255.000	0,5%	255.000	0,5%	0,0%
Samtals	1.574.000	3,0%	1.574.000	3,0%	0,0%
Tónlistaskóli Árnesinga					
	2011		2012		ára
Launaliður	140.064.889		163.086.718		16,4%
- Tekið af sjóð					-
Samtals	140.064.889		163.086.718		16,4%

13. Önnur mál:

Héraðsnefnd Árneseinga samþykkir að leggja niður nefnd þá er skipuð var vegna erfðamála Helga Ívarssonar, en hún hefur lokið því hlutverki sem henni var falið.

Tillaga frá Drífu Kristjánsdóttur:

„Héraðsnefnd Árneseinga gerir alvarlegar athugasemdir við að ríkisvaldið ákveði einhliða að hætta þátttöku í greiðslum til refaveiða. Mikils tvískinnungs gætir í orði og athöfnum ríkisvaldsins varðandi umhverfismál og fuglavernd en ætla má að fjölgun refa hafi afgerandi áhrif á fækkun mófugls og alls fuglalífs. Fjölgun refs virðist t.d. hafa mikil áhrif á fækkun rjúpunnar í ár“.

Samþykkt samhljóða.

Oddviti þakkaði fundarmönnum góðan fund og óskaði þeim velfarnaðar, þakkaði einnig viðurgjörning allan á Hótel Hengli. Fundi slitið.

Halla Guðmundsdóttir
ritari Héraðsnefndar Árneseinga.

Fundinn sátu – allan eða að hluta:

Ari B. Thorarensen
Gunnar Þorgeirsson
Aldís Hafsteinsdóttir
Ingibjörg Garðarsdóttir
Stefán Jónsson
Sveinn Steinarsson
Eypór Arnalds
Elfa Dögg Þórðardóttir
Sandra Dís Hafþórsdóttir
Arna Ír Gunnarsdóttir
Þórdís Eygló Sigurðardóttir
Jóhanna Ýr Jóhannsdóttir
Guðmundur Þór Guðjónsson
Helgi Sigurður Haraldsson
Eggert Valur Guðmundsson
Aðalsteinn Sveinsson
Ragnar Magnússon
Drífa Kristjánsdóttir
Gunnar Örn Marteinnsson

(sign)